

Alkitab Sagan Kakanakan Mengenal akan



Nuh Lawan
air Banyu
Bah



Panulis: Edward Hughes

Nang manggambar: Byron Unger; Lazarus
Alastair Paterson

Nang manyusun: M. Maillot; Tammy S.

Nang mangartikan: christian-translation.com

Nang mamproduksi: Bible for Children
www.M1914.org

©2021 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Nuh ni urang nang taat
lawan penyembah Tuhan.
Setiap urang kada ketuju
satu sama lain lawan kada
taat dengan Tuhan.



Suatu hari, Tuhan bafirman tentang hal nang mangajuti. "Aku handak mahancur akan dunian nang jahat ni," Tuhan bafirman sagan Nuh. "Hinggan buhan

ikam ja lawan sanak keluarga ikam yang kuselamat akan."



Tuhan sudah maingat akan Nuh amun banyu bah ni timbul lawan manutupi bumi. "Ulah akan sagan buhan ikam sabuah bahtera nang lumayan ganal hagan sanak keluarga ikam lawan binatang nang banyak," Nuh diparintah. Tuhan mambari akan parintah nang jelas sagan Nuh. Nuh

langsung
haur
banar!



Uran-urang rami
manghina Nuh pas inya
handak memadah akan
kenapa inya maulah
bahtera.
Inya tatap

maulah
bahtera tu.
Inya gin tatap ja
mangisah akan tentang
Tuhan sagan urang-urang
di sakalilingnya. Kadeda
saikung urang nang
mandangar panderan Nuh.



Nuh baises iman nang ganal banar. Inya parcaya Tuhan biar hujan kada suah turun. Dengan Capat bahtera tu siap sagan diisi lawan parsidian.



Wayah tu binatang-binatang badatangan. Tuhan mambawai tujuh pasang dari barbagai macam janis, dua dari nang janis lainnya.



Burung nang ganal lawan halus. Binatang-binatang ganas nang kurus lawan tinggi maulah jalan buhannya mandatangi bahtera.



Mungkin urang-urang
basorak-sorak manghina
Nuh pas inya maisi
bahteranya sagan
binatang-binatang.




Buahnya kada ampih
baulah dosa melawan
Tuhan. Buahnya kada
meminta sagan masuk
ka dalam bahtera.





Akhirnya,
sebrataan
binatang lawan
burung-burung naik.
"Masuk ai ke dalam
bahtera tu," Tuhan
maundang Nuh.





“Ikam lawan
seisi rumah
ikam.” Nuh,
bininya, katiga
urang anaknya lawan
bini-bini buhannya masuk
ka dalam bahtera. Imbah
tu Tuhan manutup pintunya!



Imbah tu hujan
labat turun. Hujan
labat saduniaan salawas
ampat puluh hari ampat
puluh malam.





Banyu
bah manutupi
kota-kota lawan desa-desa.
Pas hujan ampih, gunung-gunung
nang tinggi tu tatutup banyu.
Sebrataan nang banafas matian.



Pas banyu batambah-tambah,
bahtera tu ta'apung-apung
di atas banyu. Mungkin
kadap dalamnya, mungkin
bagelombang, lawan mungkin
menggaer akan. Tapi
bahtera ni malindungi Nuh
dari banyu bah.



Imbah lima bulan air bah tu, Tuhan
mangirim akan angin karing. Bagimitan,
bahtera tu tadampar di atas gunung
tinggi yang ngaran gunungnya ararat.
Nuh masih bagana di dalam
selawas ampat
puluh hari
lagi sampai

banyu
surut.



Nuh mangirim saikung burung gagak lawan merpati kaluar dari jendela bahtera. Oleh kada manamui tanah nang karing sagan tumpuan batisnya, burung merpati tu babulik lagi kewadah Nuh.



Samingguan kamudian,
Nuh mantes lagi. Merpati
tu babulik lawan setangkai
daun zaitun di muntungnya.
Minggu imbah tu Nuh tahu
amun bumi sudah karing oleh
merpati tu kada
babulik lagi.




Tuhan bepander lawan Nuh ini pang waktunya sagan maninggali bahtera. Baimbaian, Nuh lawan keluarganya malapas akan binatang-binatang tu.




Betapa katujunya hati
Nuh pas waktu itu.
Inya maulah wadah
altar lawan mamuji
Tuhan nang sudah
manolong inya lawan
kaluarganya dari banyu
bah nang menggaer
akan tu.





Tuhan mambari
sabuah janji nang
luar biasa sagan
Nuh. Kada akan suah
lagi manurun akan banyu
bah sagan mahukum
dosa manusia.

Tuhan mambari satu
tanda sagan janjiNya.
Pelangi tu tanda
janji Tuhan.



Nuh lawan
kaluarganya
manamui permulaan hanyar
imbah banyu bah. Pas
wayah tu, katurunanannya
handak mahibaki bumi.
Sebrataan bangsa
di dunia

ni asalnya dari
keturunan Nuh wan anaknya.



Nuh Lawan air Banyu Bah

Sabuting kisah matan Firman Tuhan, Alkitab

Taulih dalam

Kejadian 6-10

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

